

23. april 2015

**Naalakkersuisut pisortat pisiortorneranni inatsisitigut, teknikikkut aammalu niuernerpalaarneq eqqarsaatigalugu neqeroortitsinermi atorneqartartussamik inatsisissatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisissatut siunnersuutip qulakkiissavaa pisiffigisat assigiimmik pineqarnissaat, neqerooruteqartitsinermi pisiffissat toqqarneqarneranni sinaakktissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisissatut siunnersuummi aamma pisiffissat toqqarneqarneranni inuiaqatigiit aningaasaqarnerat tamakkiinerusumik qanoq isiginiarneqartassanersut pillugit maleruagassior-toqarnissaa ilaatinneqassaaq.**

(Inatsisartunut Naaja Nathanielsen, Inuit Ataqtigiit)

Naalakkersuisut pisortat pisiortorneranni inatsisitigut, teknikikkut aammalu niuernerpalaarneq eqqarsaatigalugu neqeroortitsinermi atorneqartartussamik inatsisissatut siunnersuummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut tunngaviumuk Siumumiit ilalernartipparput, minnerunngitsumik nunarput ullumikkut aningaasaqarnikkut inissisimanagera eqqarsaatigalugu, periarfissat ilorraap tungaanut aqutissiuqataasinnaasut ugartortariaqparput.

Inuussutissarsiortut nunatsinniittut aallaaviunissaat, pisortat niuerniaraagata aallaaviusariaqparput, minnerunngitsumik pisortat, soorlu aamma kommuunit, siunnersortunik sanaartornerup silarsuaani siunnersortinik atuigaagamik nunatsinneersut aallaaviusariaqparput.

Ilaatigut aamma eqqaasinnaavarput neqeroortittinermi sinaakktut erseqqaarissut ilagissammassuk sungiusarluni sanaartornermi ilinniarfiit piumasaqaataanissaat, inuiaqatigiit ataatsimut isigalugit nunatsinneersut suliffeqarfiit pisiffiginerisigut inuiaqatigiinnut iluaqutaasinnaaneri oqimaalutaanermi ilaatinneqarnissaat allallu eqqumaffissat imaluunniit malitassat. Minnerunngitsumik inatsisitigut erseqqaarissunik piumasaqaasersornerit, soorlu sanaartortittiniarnermi imaluunniit aserfallattaaliinermi qassimik naleqaraagat pisortat pinngitsooratik suliffeqarfinnik ammasumik neqeroortitsinarnissaat, assersuutaasinnaapput.

Naatsumik oqaatigalugu inuit nunatsinni ikittunnguugatta, immitsinnut iluaqutaasinnaasut ugartortuarnissaat aqutissiuuttuarnissaallu pingaartittariaqparput.

Taamatut Siumumiit oqaaseqarluta aappassaaniinginnerani aningaasaqarnermut ataatsimiititaliamut innersuupparput.

Jens Erik Kirkegaard  
Siumut